

07 IANUARIE

**PARACLISUL
SF. PROROC
IOAN
BOTEZĂTORUL,
ÎNAINTEMERGĂTORUL
DOMNULUI**



PARACLISIERUL PE IANUARIE-GG



პარაკლისი სავედრებელი წმიდისა იოანე ნათლისმცემლისა

ლოცვითა წმიდათა მამათა ჩვენთათა, უფალო, იესუ ქრისტე, ღმერთო ჩვენო, შეგვიწყალებ ჩვენ.

დიდება შენდა, ღმერთო ჩვენო, დიდება შენდა.

მეუფეო ზეცათაო, ნუგეშინისმცემელო, სულო ჭეშმარიტებისაო, რომელი ყოველგან ხარ და ყოველსავე აღავსებ მაღლითა შენითა, საუნჯეო კეთილთაო, მომნიჭებელო ცხოვრებისაო, მოვედ და დაემკვიდრე ჩვენს შორის და წმიდა მყვენ ჩვენ ყოვლისაგან ბიწისა და აცხოვნენ, სახიერო, სულნი ჩვენნი.

წმიდაო ღმერთო, წმიდაო ძლიერო, წმიდაო უკვდავო, შეგვიწყალებ ჩვენ (3-გ ზის).

დიდება მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგვიწყალებ ჩვენ, უფალო, გვიხსენ და გვილხინე ცოდავათა ჩვენთაგან, მეუფეო, შეგვინდევ უსჯულოებანი ჩვენნი, წმიდაო, მოიხილე და განჰკურნენ უძლურებანი ჩვენნი სახელისა შენისათვის.

უფალო შეგვიწყალებ (3-გ ზის).

დიდება მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩვენო, რომელი ხარ ცათა შინა, წმიდა იყავნ სახელი შენი, მოვედინ სუფევა შენი, იყავნ ნება შენი, ვითარცა ცათა შინა, ეგრეცა ქვეყანასა ზედა, პური ჩვენი არსობისა მომეც ჩვენ დღეს, და მომიტევენ ჩვენ თანანადებნი ჩვენნი, ვითარცა ჩვენ მივუტევებთ თანამდებთა მათ ჩვენთა და ნუ შემიყვანებ ჩვენ განსაცდელსა, არამედ მიხსენ ჩვენ ბოროტისაგან, ამინ.

უფალო შეგვიწყალებ (12-ჯერ).

დიდება მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მოვედით, თაყუანის-ვსცეთ მეუფესა ჩუენსა, ღმერთსა.
მოვედით, თაყუანის-ვსცეთ და შეუვრდეთ ქრისტესა,
მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ თვთ
ქრისტესა, მეუფესა და ღმერთსა ჩუენსა.

უფალო, შეისმინე ლოცვისა ჩემისაჲ, ყურად-ილე ვედრებაჲ ჩემი ჭეშმარიტებითა შენითა, შეისმინე ჩემი სიმართლითა შენითა; და ნუ შეხუალ საშჯელსა მონისა შენისა თანა, რამეთუ არა განმართლდეს შენ წინაშე

ყოველი ცხოველი. რამეთუ დევნა მტერმან სული ჩემი და დაამდაბლა ქუეყანად ცხორებად ჩემი, დამსუა მე ბნელსა შინა, ვითარცა მკუდარი საუკუნოდ. და მოეწყინა ჩემ თანა სულსა ჩემსა; და ჩემ შორის შემიდრწუნდა გული ჩემი. მოვიჯსენე დღეთა პირველთა და ვიწურთიდ ყოველთა მიმართ საქმეთა შენთა და ქმნულსა ჯელთა შენთასა ვზრახევდ. განვიპყრენ შენდამი ჯელნი ჩემნი, და სული ჩემი ვითარცა ქუეყანად ურწყული შენდამი. მსთუად შეისმინე ჩემი უფალო, რამეთუ მოაკლდა სულსა ჩემსა; ნუ გარე-მიიქცევ პირსა შენსა ჩემგან, და ვემსგავსო მათ, რომელნი შთავლენან მღჯმესა. მასმინე მე განთიად წყალობად შენი, რამეთუ მე შენ გესავ; მაუწყე მე, უფალო, გზად, რომელსაცა ვიდოდი, რამეთუ შენდამი აღვიღე სული ჩემი. მიხსენ მე მტერთა ჩემთაგან, უფალო, რამეთუ შენ შეგევედრე. მასწავე მე, რადთა ვცო ნებად შენი, რამეთუ შენ ხარ ღმერთი ჩემი, სული შენი სახიერი მიძლოდენ მე ქუეყანასა წრფელსა. სახელისა შენისათჳს, უფალო, მაცხოვრო მე და სიმართლითა შენითა გამოიყვანო ჭირისაგან სული ჩემი. და წყალობითა შენითა მოსრნე მტერნი ჩემნი და წარწყმიდნე ყოველნი მაჭირვე-ბელნი სულისა ჩემისანი, რამეთუ მე მონად შენი ვარ.

დიდებად მამასა და ძესა და წმიდასა სულსა აჲ და მარადის და უკუნითი უკუნისამდე. ამინ.

ალილუია, ალილუია, ალილუია, დიდებაჲ შენდა
ღმერთო;

ალილუია, ალილუია, ალილუია, დიდებაჲ შენდა
ღმერთო;

ალილუია, ალილუია, ალილუია, დიდებაჲ შენდა
ღმერთო ჩუენო, დიდებაჲ შენდა.

ღმერთი უფალი და გამოგვიჩნდა ჩვენ, კურთხეულ არს
მომავალი სახელითა უფლისათა.

მუხლი 1. აუარებდით უფალსა, რამეთუ კეთილ,
რამეთუ უკუნისამდე არს წყალობაჲ მისი.

მუხლი 2. ყოველი თესლები გარე მომადგეს მე და
სახელითა უფლისათა ვერეოდი მათ.

მუხლი 3. არა მოგკვდე, არამედ ვსცხოვდე, და
განვსთქვნე მე საქმენი უფლისანი.

მუხლი 4. ლოდი, რომელ შეურაცხყვეს მაშენებელთა,
ესე იქმნა თავ კიდეთა, უფლისა მიერ იყო ესე და არს
საკვირველ წინაშე თვალთა ჩუენტა.

ტროპარი, ხმა 4.

წინა-მორბედო და ნათლის-მცემელო იოანე, უდაბნოსა
მოქალაქეო, რომელსა გესმა საღმთო იგი ხმა მამისა,
რომელი ღირს-იქმენ მისა და უფლისა ნათლის-ცემად
და იქმენ მხილველ სულისა წმიდისა, და ყოველთა
გვიქადაგე ნათლისღება სინანულისა, ჩუენ

ცოდვილთაცა მეოხ-გვეყავ, რათა ლოცვითა შენითა მოვილოთ შენდობა ცოდვათა.

დიდება მამასა და ძესა და წმიდასა სულსა.

იგივე ტროპარი.

აწ და მარადის და უკუნითი უკუნისამდე, ამინ.

არასადა დავსდუმნეთ, ღმრთსმშობელო, ძლიერებათა შენთა ქებად, უღირსნი ესე მონანი შენნი. რამეთუ არათუმცა შენ გვეფარევი ოხითა შენითა, ვინმცა სადა გვიხსნა ჩუენ ესოდენტა ჭირთაგან; ანუ ვინმცა დაგვიცვნა ჩუენ აქამომდე ფლობილად? არასადა განგემორნეთ ჩუენ, დედუფალო კურთხეულო, რამეთუ შენ იხსნი სულთა ჩუენტა ყოველთა განსაცდელთაგან.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა ანოცე უშჯულოებად ჩემი. უფროდს განმბანე მე უშჯულოებისა ჩემისაგან და ცოდვათა ჩემთაგან განმწმიდე მე. რამეთუ უშჯულოებად ჩემი მე უწყი და ცოდვად ჩემი წინაშე ჩემსა არს მარადის. შენ მხოლოსა შეგცოდე და ბოროტი შენ წინაშე ვყავ, რადთა განჰმართლდე სიტყუათაგან შენთა და სძლო შჯასა შენსა. რამეთუ ესერა უშჯულოებათა შინა მიუდგა და ცოდვათა შინა მშვა მე

დედამან ჩემმან. რამეთუ ესერა ჭეშმარიტებად
შეიყუარე, უჩინონი და დაფარულნი სიბრძნისა
შენისანი გამომიცხადენ მე. მასხურო მე უსუპითა და
განმწმიდე მე, განმზანო მე და უფროდს თოვლისა
განვსპეტაკნე. მასმინო მე გალობად და სიხარული, და
იხარებდენ ძუალნი დამდაბლებულნი. გარე-მიაქციე
პირი შენი ცოდვათა ჩემთაგან და ყოველნი
უშჯულოებანი ჩემნი აჯოცენ. გული წმიდად დაბადე
ჩემ თანა, ღმერთო, და სული წრფელი განმიახლე
გუამსა ჩემსა. ნუ განმაგდებ მე პირისა შენისაგან და
სულსა წმიდასა შენსა ნუ მიმიღებ ჩემგან. მომეც მე
სიხარული მაცხოვარებისა შენისად და სულითა
მთავრობისადთა დამამტკიცე მე. ვასწავლნე
უშჯულოთა გზანი შენნი და უღმრთონი შენდა
მოიქცენ. მივსენ მე სისხლთაგან, ღმერთო, ღმერთო
ცხორებისა ჩემისაო; იხარებდეს ენად ჩემი სიმართლესა
შენსა. უფალო, ბაგენი ჩემნი აღახუნე, და პირი ჩემი
უთხოვდეს ქებულებასა შენსა. რამეთუ უკუეთუმცა
გენება, მსხუერპლი შე-მცა-მეწირა; არამედ საკუერთხი
არა გთნდეს. მსხვერპლ ღმრთისა არს სული
შემუსრვილი, გული შემუსრვილი და დამდაბლებული
ღმერთმან არა შეურაცხ-ყოს. კეთილი უყავ, უფალო,
ნებითა შენითა სიონსა და აღეშენნენ ზღუდენი
იერუსალემისანი. მაშინ გთნდეს მსხუერპლი
სიმართლისად, შესაწირავი და ყოვლად-დასაწუველი;

მაშინ შეიწირნენ საკურთხეველსა შენსა ზედა ზუარაკნი.

გალობა 1. სძლის-პირი

ღმერთსა, რომელმან იხსნა პირველ ერი ზღვისაგან და დაანთქა ფარაო წინა-აღმდგომი, მას მხოლოსა უგალობდეთ, რომელიცა დიდებულ-არს.

წმიდაო დიდებულო ნათლის-მცემელო იოანე ევედრე ღმერთსა ჩუენთვის.

გვირგვინითა ლუთივ-ბრწყინეალითა განათლებულო ნათლისმცემელო იოანე, გვირგვინი ლუთივ-შვენიერი სათნოებათა მოგვმადლე გევედრებით.

წმიდაო დიდებულო ნათლის-მცემელო იოანე ევედრე ღმერთსა ჩუენთვის.

ანგელოსო კაცთა შორის, დიდებულო ცათა შინა, ანგელოსებრივი ცხოვრება მოგვანიჭე, რათა უგალობდეთ მეუფესა ანგელოსთასა.

დიდება მამასა და ძესა და წმიდასა სულსა.

ქრისტეს ნათლის-მცემელო იოანე ქებულო, იესოს მიერ ნაშობთა შორის უპირატესო, ქრისტესა ღმერთსა ევედრე შეწყალებად ქმნილთა თვისთა.

აწდა მარადის და უკუნითი უკუნისამდე, ამინ.

ელისაბედის მუცელსა შინა აღივსო სულითა წმიდითა იოანე, და კურთხეულ გიწოდა ღუთის-მშობელო მარიაჲ, მისთანა გევედრებით შეგვიწყალებნ ჩუენ.

გალობა 3. სძლის-პირი

განამტკიცენ უფალო გონება ჩუენი ნათლითა მით დაუღამებელითა, რათა გიგალობდე შენ ღმერთსა უკუნისამდე.

წმიდაო დიდებულო ნათლის-მცემელო იოანე ევედრე ღმერთსა ჩუენთვის.

ბრწყინვალეო სულითა, ბეჭედო წინასწარ-მეტყუელთაო იოანე, ბრწყინვალება ლოცვისა შენისა მოგვეფინე განათლებად ჩუენდა.

წმიდაო დიდებულო ნათლის-მცემელო იოანე ევედრე ღმერთსა ჩუენთვის.

სული წმიდა იხილე სახედ ტრედისა, მას ევედრე ნათლის-მცემელო, რათა შეიწყალებნ სულნი ჩუენნი ზეცისა სიონსა.

დიდება მამასა და ძესა და წმიდასა სულსა.

სულითა განათლებულო, რომელსა გესმა ხმა მამისა, ხმაო სიტყვისა ღუთისაო, ისმინე ხმა ლოცვისა ჩუენისა და შეგვიწყალენ.

აწდა მარადის და უკუნითი უკუნისამდე, ამინ.

უფროსად კურთხეულო დედათა შორის, მარიამ, უმეტეს ნაშობთა შორის დედათასა იოანეს თანა, გვედრებით შეგვიწყალენ უღირსნი ესე მვედრებელნი.

გვიხსენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩვენ ყოველნი, შემდგომად ღმრთისა, შენდა მოვილტვით, ვითარცა უძლეველისა ზღუდისა და შუამდგომელისა.

მოიხილე ჩუენ ზედა, ყოვლადქებული ღმრთისმშობელო, და ხორცთა ჩუენთა წყლულებანი ბოროტნი განჰკურნენ, და სულისა ჩუენისა სნეულებანი.

მღუდელმან: შეგვიწყალენი ასამაღლებლითურთ.

წარდგომა. ხმა 4.

მეოხო და შუამდგომელთ, დიდებულო ნათლის-მცემელო იოანე, რომელი მრავლითა ბრწყინვალებითა ჰსუფევ ზეცათა შინა, წინაშე ყოვლად-წმიდისა

სამებისა, მეოხ გვეყავ მისა მიმართ ყოვლად-სანატრელო, რათა მოგვანიჭოს მვედრებელთა შენთა მშვიდობა და მგალობელთა დიდი წყალობა.

გალობა 4. სძლის-პირი

მესმა სმენა შენი და შემეშინა, განვიცადენ საქმენი შენნი და დამიკვირდა და გადიდე ქრისტე.

წმიდაო დიდებულო ნათლის-მცემელო იოანე ევედრე ღმერთსა ჩუენთვის.

ლამპარო ყოვლად-ბრწყინვალეო იოანე, ლამპარი სულთა ჩუცნთა განბრწყინვე მიგებებად სიძისა და მეგობრისა შენისა.

წმიდაო დიდებულო ნათლის-მცემელო იოანე ევედრე ღმერთსა ჩუენთვის.

იქმენ სანთელ ღუთივ-შვენიერად საჩინო მტვირთველო საღმრთოსა ნათლისა, განანათლენ სულნიცა ჩუენნი გვედრებით.

დიდება მამასა და ძესა და წმიდასა სულსა.

ჩინებულო სანთელო ღუთივ-განათლებულო, სანთელ-ექმენ სულსა ჩუნნსა სანატრებელო, და ნათელ გონებასა.

აწდა მარადის და უკუნითი უკუნისამდე, ამინ.

ეჰა მარიაჲ ქალწულო, ელისაბედ რა მოიკითხე, ნათლის-მცემელმან თაყუანის-გცა, აჰა ჩუნნცა თაყუანის-გცემთ შენ.

გალობა 5. სძლის-პირი

აღვიმსთობთ შენდამი ჭეშმარიტისა ცისკრისა, რომელი აღმობრწყინდი მამისა მიერ განათლებისათვის კიდეთა სოფლისათა ბრწყინვალეებითა.

წმიდაო დიდებულო ნათლის-მცემელო იოანე ევედრე ღმერთსა ჩუენთვის.

მთიებო მზისა სიმართლისაო, მოგვფინე შარავანდედი ლოცვისა შენისა იოანე, რათა მზეებრ გამობრწყინდეს სული ჩუენი სასუფეველსა.

წმიდაო დიდებულო ნათლის-მცემელო იოანე ევედრე ღმერთსა ჩუენთვის.

იოანე დიდებულო ნათლის-მცემელო, რომელმან იორდანესა შინა ნათელ-ეც იესო ტკბილსა, მისგან ითხოვე სანატრელო განათლება სულთა ჩუენთა.

დიდება მამასა და ძესა და წმიდასა სულსა.

ნათლის-მცემელო, ნისლისა წარმდეგნელო,
ნელსაცხებელო კეთილ-სუნნელო იოანე, ნათლითა
სიწმიდისა შენისათა განგვანათლენ გვედრებით.

აწდა მარადის და უკუნითი უკუნისამდე, ამინ.

აღსდგე რა მარიამ, და წარხვედ მოკითხუად
ელისაბედისა, აღიმსთო იოანე შესხმად შენდა. აწ
ჩუცნცა გილაღადებთ შეგვიწყალენ ჩუენ.

გალობა 6. სძლის-პირი

დამკვიდრება იონასი სიღრმესა მას შინა სახედ
ბუნებისა ჩუენისა მოესწავებოდა ჯოჯოხეთს შინა,
რომლისაგან მიხსენ ჩუენ მრავალ-მოწყალე.

**წმიდაო დიდებულო ნათლის-მცემელო იოანე ევედრე
ღმერთსა ჩუენტვის.**

თავო ყოველთა კეთილთაო, და თუალო სათნოებათაო
იოანე, თავადსა იესოს ევედრე განათლებად თუალთა
სულისა ჩუენისათა ბრწყინვალებითა.

**წმიდაო დიდებულო ნათლის-მცემელო იოანე ევედრე
ღმერთსა ჩუენტვის.**

ლოცვითა შენითა ყოვლად-წმიდითა ლხინება ჰყავ
ჩუენტვის იოანე. და ლოცუა ჩუენი შეიწირე ვითარცა
საკმეველი კეთილსუნნელი შენ წინაშე.

დიდება მამასა და ძესა და წმიდასა სულსა.

იოანე ხმაო ყოვლად-ტკბილო ღალადებისაო, ხმა ვედრებისა ჩუენისა ისმინე, და ხმა ქრისტესი კურთხევისა გვასმინე, გევედრებით სანატრელო.

აწდა მარადის და უკუნითი უკუნისამდე, ამინ.

სასოო და სიქადულო ჩუენო ღუთის-მშობელო მარია მამ-გზის სანატრელისა იოანეს თანა გევედრებით, ითხოვეთ ღუთისაგან სასუფეველისა ღირს-ყოფად ჩუენი.

გვიხსენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩვენ ყოველნი, შემდგომად ღმრთისა, შენდა მოვილტვით, ვითარცა უძლეველისა ზღუდისა და შუამდგომელისა.

მოიხილე ჩუენ ზედა, ყოვლადქებულო ღმრთისმშობელო, და ხორცთა ჩუენთა წყლულებანი ბოროტნი განჰკურნენ, და სულისა ჩუენისა სნეულებანი.

კონდაკი, ხმა 3.

ქადაგსა სინანულისასა, ცოდვილთა მომწოდებელსა, და გურიტსა წმიდასა უდაბნოსა მოყუარესა,

მერცხალსა ტკბილად მხმოზარესა და იადონსა ხმა
შუენიერსა, ნათლის-მცემელსა ქრისტესსა ლმოზიერად
შეუერდეთ მორწმუნენო, რათა გვითხოვოს
ქრისტესაგან მოტეგება ცოდვათა და სულთა ჩუენთა
დიდი წყალობა.

მღუდელომან: მოხედენ, სიბრძნით.

წარდგომა სახარებისა...

მართალი ვითარცა ფინიკი აღყუავდეს, და ვითარცა
ნაძვი ლიბანისა განმრავლდეს.

მუხლი: იხარებდინ მართალნი უფლისა მიმართ, და
წრფელთა ჰშუენის ქება.

*მღვდელომან: უფლისა მიმართ ვილოცოთ. რამეთუ
წმიდა ხარ შენ ღმერთო ჩუენო. ყოველი სული
აქებდით უფალსა. ღირს ყოფად ჩუენდა. სიბრძნით
აღემართენით.*

სახარება მათესი

ჰსთქუა უფალმან: რასა გამოხვედით ხილვად
წინასწარ-მეტყუელისა? ჰე გეტყვი თქუენ და უმეტეს
წინასწარ-მეტყუელისა. რამეთუ ესე არს რომლისათვის
წერილ-არს: აჰა ესერა მე წარვაგლინო ანგელოსი ჩემი
წინაშე შენსა, რომელმან განმზადნეს გზანი შენნი

წინაშე პირსა შენსა. ამინ გეტყვი თქუნ: არა აღდგომილ არს ნაშობთაგანი დედათა უფროს იოანე ნათლის-მცემელისა, ხოლო უმცირესი სასუფეველსა ცათასა უფროს მისსა არს. რამეთუ დღითგან იოანე ნათლის-მცემელისა ვიდრე აქამომდე სასუფეველი ცათა იიძულების. და რომელნი აიძულებენ მათ მიიტაცონ იგი.

დიდება მამასა და ძესა და წმიდასა სულსა.

მეოხებითა წმიდისა იოანე ნათლის-მცემელისათა მოწყალეო, აღხოცენ ცოდვათა ჩუნთა სიმრავლენი.

აწდა მარადის და უკუნითი უკუნისამდე, ამინ.

მეოხებითა წმიდისა ღუთის-მშობელისათა მოწყალეო, აღხოცენ ცოდვათა ჩუნთა სიმრავლენი.

მიწყალე მე, ღმერთო, დიდითა წყალობითა შენითა, და მრავლითა მოწყალებითა შენითა აღხოცენ უსჯულოებაჲ ჩემი და შემიწყალე მე, ღმერთო.

გერი: ნათლის-მცემელი იოანე, რომლისა შენ ჰსთქუ უმეტესობა უფალო, გევედრების და ითხოვს ერისათვის მორწმუნისა მშვიდობასა, რომელნი ადიდებენ ხსენებასა მისსა, რათა მეოხებითა მისითა მოჰმადლო ეკლესიათა დიდება, მეფეთა უვნებელოება და სულთა ჩუნთა დიდი წყალობა.

მლუდელმან: „აცხოვნენ“ ასამაღლებელითურთ.

გალობა 7. სძლის-პირი

სამნი ყრმანი ბაბილონსა სამებასა მიემსგავსნეს, და დაშრიტეს სიმძაფრე საყმილისა მის და გალობით იტყოდეს: კურთხეულ-ხარ შენ უფალო, ღმერთო მამათა ჩუენთაო.

წმიდაო დიდებულო ნათლის-მცემელო იოანე ევედრე ღმერთსა ჩუენთვის.

მნათობთა უბრწყინვალესო სამებისა მიერ განათლებულო, სანატრელო იოანე, სამებასა წმიდასა ევედრე, რათა ჩუენცა განგვანათლოს სულით და ხორციით.

წმიდაო დიდებულო ნათლის-მცემელო იოანე ევედრე ღმერთსა ჩუენთვის.

ცისკარო დღისაო, შარავანდედო მზისა, ცხოურება სათნო ღუთისა მოგუმადლე, რათა სათნო ვეყვნეთ ტარიგსა ღუთისასა, რომელმან აღიხუნა ცოდვანი სოფლისანი.

დიდება მამასა და ძესა და წმიდასა სულსა.

ეჭა ნათლის-მცემელო, გვრიტო უბიწოო, მხილველო სულისა ტრედის-სახედ მოსრულისა, მას ევედრე უბიწოო ყოფად ჩუენდა და ხილვად დიდებისა.

აწდა მარადის და უკუნითი უკუნისამდე, ამინ.

მარიამ მარგარიტო უსასყიდლოო, მრონო კეთილ-სუნნელო, მანანაო ყოვლად-ტკბილო, მაცხოვარსა ყოველთასა ევედრე შეწყალებად ჩუენდა.

გალობა 8. სძლის-პირი

რომელმან ანგელოსისა ხატისა მსგავსად ცეცხლსა შინა ხილვითა ყრმანი იხსნა სახმილისაგან, აკურთხევდით ყოველნი საქმენი უფლისანი უფალსა.

წმიდაო დიდებულო ნათლის-მცემელო იოანე ევედრე ღმერთსა ჩუენტვის.

ელვარებითა სიწმიდისა შენისათა, ნათლის-მცემელო, განგვანათლენ შვილნი ემბაზისანი, რათა ერთბამად ვაკურთხევდეთ, და აღვამაღლებდეთ უფალსა.

წმიდაო დიდებულო ნათლის-მცემელო იოანე ევედრე ღმერთსა ჩუენტვის.

ლოდი იგი პატიოსანი თავ საკიდურთა იესო, მოწყალე-ჰყავ ჩუენ ზედა იოანე ნათლისმცემელო და შემუსროს ლომი მყვირალი, ხოლო ჩუენ უგალობდეთ უფალსა.

დიდება მამასა და ძესა და წმიდასა სულსა.

ოდეს დაჰსჯდეს მსაჯული საყდართა დიდებისათა, მაშინ მეოხ-გვეყავ იოანე დიდებულო, და მართალთა თანა ამაღლებულნი უგალობდეთ უფალსა.

აწდა მარადის და უკუნითი უკუნისამდე, ამინ.

ითხოვე შენცა ყოვლად-მოწყალისა ღუთისა დედაო მარიამ, რათა მაშინ ჩუენცა ღრუბლითა აღტაცებულნი ყოველთა წმიდათა თანა უგალობდეთ უფალსა.

გალობა 9. სძლის-პირი

ღუთისა-მშობელსა და ქალწულად დადგრომილსა, დედასა ნათლისასა ჩუენ ვადიდებდეთ.

წმიდაო დიდებულო ნათლის-მცემელო იოანე ევედრე ღმერთსა ჩუენტვის.

ოსანასა უგალობ ანგელოსთა თანა წმიდასა სამებასა იოანე, ჩუენცა მოგვიხსენე სანატრელო წინაშე მისსა.

წმიდაო დიდებულო ნათლის-მცემელო იოანე ევედრე ღმერთსა ჩუენტვის.

ანგელოსთა გუნდსა შორის ჰბრწყინავ ნათლისმცემელო, აღგიარებთ ვედრებასა, ჩუენცა მეოხ-გვეყავ წმიდაო.

დიდება მამასა და ძესა და წმიდასა სულსა.

ნათლითა ღუთიგ-შუენიერთა განათლებულო იოანე, გევედრებით, განგვანათლენ მოსაგნი სიწმიდისა შენისანი.

აწდა მარადის და უკუნითი უკუნისამდე, ამინ.

ეკლესიისა დიდებო მარიამ, ემსგავსე შენგან შობილსა იესოს, და მოგვფინე წყალობა შენი გევედრებით.

ღირს-არს ჭეშმარიტად, რათა გადიდებდეთ, შენ ღვთისმშობელო, რომელი მარადის სანატრელ იქმენ, ყოვლად-უბიწოდ და დედად ღვთისა ჩვენისა.

უპატოსნესსა ქერუბინთასა, და აღმატებით უზესთაესსა სერაბინთასა, განუხრწნელად მშობელსა სიტყვისა ღვთისასა, მხოლოსა ღვთისმშობელსა გალობით გადიდებდეთ.

მღუდელმან აკმიოს.

უმაღლესო ცათაო და უპატოსნესო ნაშობთა შორის დედათაო, ნათლისმცემლო დიდებულო იოანე, უფალსა საბაოთსა ევედრე შეწყალებად ჩუენ უღირსთა მონათა თვისთა.

გიხმობთ შენ ხმაო ღაღადებისაო, აღიპყრენ ხელნი შენნი, რომელნი შეახე თავსა საუფლოსა, და ხმა-ჰყავ

მისა მიმართ შეწყნარებად ჩუენდა სასუფეველსა ღუთივ-დიდებულსა.

რომელმან იხილე თუალითა შენითა სული ყოვლად-წმიდა ნათლის-მცემლო, მას სახიერსა ევედრე, რათა გვიძლოდეს ქუეყანასა წრფელსა, და ღირს-ვიქმნეთ სასუფეველსა ყოვლად დიდებულსა.

დიდებულო ანგელოსთაგან, და ქებულო იესოს მიერ იოანე ყოვლად-სანატრელო, ყოვლად-უბიწოსა ქალწულისა თანა მეობ-გვეყავ, რათა ვიხილოთ დიდება თქუენი და ბრწყინვალება.

ყოვლად-წმიდაო ღუთის-მშობელო დედოფალო მარიამ, ყოვლად-პატიოსნისა ნათლის-მცემელისა და ყოველთა წმიდათა ლოცვითა ღირს-მყუენ მისა შენისა და ღუთისა ჩუენისა დიდებად და გალობად.

წმიდაო ღმერთო, წმიდაო ძლიერო, წმიდაო უკვდავო, შეგვიწყალენ ჩვენ (3-გ ზის).

დიდება მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგვიწყალენ ჩვენ, უფალო, გვიხსენ და გვილხინე ცოდავათა ჩვენთაგან, მეუფეო, შეგვიხსენდე უსჯულოებანი ჩვენნი, წმიდაო, მოიხილე

და განჰკურნენ უძლურებანი ჩვენნი სახელისა
შენისათვის.

უფალო შეგვიწყალენ (3-გ ზის).

დიდება მამასა და ძესა და წმიდასა სულსა, აწ და
მარადის და უკუნითი უკუნისამდე, ამინ.

მამაო ჩვენო, რომელი ხარ ცათა შინა, წმიდა იყავნ
სახელი შენი, მოვედინ სუფევა შენი, იყავნ ნება შენი,
ვითარცა ცათა შინა, ეგრეცა ქვეყანასა ზედა, პური
ჩვენი არსობისა მომეც ჩვენ დღეს, და მომიტევენ ჩვენ
თანანადებნი ჩვენნი, ვითარცა ჩვენ მივუტევებთ
თანამდებთა მათ ჩვენთა და ნუ შემიყვანებ ჩვენ
განსაცდელსა, არამედ მიხსენ ჩვენ ბოროტისაგან, ამინ.

მიწყალენ ჩუენ, უფალო, შემიწყალენ ჩვენ, რამეთუ
ყოველსავე სიტყვის-მიცემისაგან უღონო ვართ, გარნა
ამას ვედრებასა შენ, მეუფისა სახიერისა, ცოდვილნი
ესე შევსწირავთ. მიწყალენ ჩუენ, უფალო, შეგვიწყალენ
ჩუენ.

დიდება მამასა და ძესა და წმიდასა სულსა.

უფალო, შემიწყალენ ჩუენ, რამეთუ შენ გესავთ, ნუ
განმირისხდები ჩუენ ფრიად, და ნუცა მოიხსენებ
უსჯულოებათა ჩუენთა, არამედ მოიხილე ჩუენზედა
წყალობით, ვითარცა სახიერ ხარ, და გვიხსენ ჩუენ

სამართლად რისხვისაგან შენისა, რამეთუ შენ ხარ ღმერთი ჩუენი, და ჩუენ ვართ ერნი შენნი, ყოველნივე ქმნულნი ხელითა შენთანი ვართ და სახელი შენი წოდებულ არს ჩუენზედა, და შემიწყალენ ჩუენ.

აწ და მარადის, და უკუნითი უკუნისამდე, ამინ.

მოწყალეების კარი განგვიღე, კურთხეულო ღმრთისმშობელო, რათა, რომელნი ესე შენ გესავთ, არა დავეცნეთ, არამედ განვერნეთ წინააღმდგომთა მტერთაგან, რამეთუ შენ ხარ ცხოვრება ნათესავისა ქრისტიანეთასა.

უფალო შეგვიწყალენ (12-ჯერ).

მღუდელმან: შეგვიწყალენი და შეისმინე ჩუენი ღმერთო.

ლოცვა მუხლმოდრეკით სათქმელი

ჰოი, ყოვლად-დიდებულო იოანე, ნათლის-მცემელო ქრისტესო, ანგელოსო ღუთისაო, ბეჭედო წინასწარ-მეტყუელთაო, თავო მოციქულთაო, გვირგვინო მოწამეთაო, წინამძღუარო მონაზონთაო და უმეტესო ყოველთა წმიდათაო, შემწეო მორწმუნეთაო, და შესავედრებელო ყოველთა მვედრებელთა შენთაო.

ჰოი, ყოვლად-ქებულო წინამორბედო იოანე, ცისკარო დაუღამებელისა მის ღამისაო, ცისკროვნებ ჰაერ-კეთილობით განაშვენე ღვთივ-დაცული ერი ჩუენი და მეუფება მისი, მთიებო მზისა მის სიმართლისაო, მზებრ განაბრწყინვე უწმიდესნი მართლმადიდებელნი პატრიარქნი, ყოვლად-სამღუდელონი, მიტროპოლიტნი, მთავარეპისკოპოსნი და ეპისკოპოსნი, და ყოველნი სამღუდელო და სამონაზნო წესნი; სანთელო ნათლისა მის უსხეულოსაო, ლამპრებრ განანათლენ ღუთის-მსახურნი მთავარნი და ქრისტეს-მოყუარე მხედრობა, და ყოველნი მართლმადიდებელნი ქრისტეანენი; ხმაო სიტყვისა ღუთისაო, ისმინე ხმა ვედრებისა ჩუენისა, და ევედრე შენ მიერ ნათელ-ღებულსა იესო ქრისტესა, ღირს-ყოფად ჩუენდა დიდებასა თვისსა დაუსრულებელსა.

ჰოი, ყოვლად-პატიოსანო წინასწარ-მეტყუელო იოანე ღვთივ-საყვარელო, ტკბილო მეგობარო სიძისა მის უკუდავისაო, მეგობარ სარწმუნო და მონა გულითად მყუენ ჩუენ ქრისტეს ღუთისა ჩუენისა, შუამდგომელო ძველისა ჰსჯულისა და ახლისა მადლისაო, შუამდგომელ-გვექმენ წინაშე მეუფისა, რათა მოგვანიჭოს მრავალ-ჟამ კეთილ-სუფუვით ცხოვრება, მართლ-მადიდებლობით განათლება, კეთილთა საქმეთა მიერ განშვენება, სასუფეველსა ცათასა განბრწყინება, ანგელოსთა თანა გალობა, წმიდათა

თანა სუფევა, და შენთანა დიდება და მადლობა, რამეთუ მისა ჰმეენის ყოველი დიდება, პატივი და თაყუანის-ცემა თანა მამით და სულით წმიდითურთ, აწ და მარადის და უკუნითი უკუნისამდე.

ღირს-არს ჭემმარიტად, რათა გადიდებდეთ, შენ ღვთისმშობელო, რომელი მარადის სანატრელ იქმენ. ყოვლად-უბიწოდ და დედად ღვთისა ჩვენისა. უპატიოსნესსა ქერუბინთასა, და აღმატებით უზესთაესსა სერაბინთასა, განუხრწნელად მშობელსა სიტყვისა ღვთისასა, მხოლოსა ღვთისმშობელსა გალობით გადიდებდეთ.

დიდება მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

უფალო შეგვიწყალებ (3-ჯერ).

უფალო იესუ ქრისტე, ძეო ღმრთისაო, ლოცვითა ყოვლად წმიდისა დედისა შენისათა, ღირსთა და ღმერთშემოსილთა მამათა ჩვენთათა და ყოველთა წმიდათა შენთათა, შეგვიწყალებ ჩვენ, ამინ.

ხოლო პატიოსნისა ნათლის-მცემელისა ხატისა მთხვევნასა ზედა ვჰგალობთ ამას:

ყოველთა მორწმუნეთა ლოცუათა შეიწირავ და ვედრებასა მიითუალავ, რამეთუ ხარ ყოველთათვის

ტკბილი მეოხი, და სახიერი შუამდგომელი,
ამისთვისცა გევედრებით დიდებულო ნათლის-
მცემელო იოანე, აღგვისრულე ვედრება ჩუენი, და
გვითხოვე ყოვლად-ტკბილისა იესოს მიერ, რათა ღირს-
ვიქმნეთ ზეცისა სასუფეველსა და გვირგვინითა
ვიშვებდეთ დაუსრულებელად.

დედოფალო კაცთაო, დედაო ღუთისაო მარიაო,
მოხედენ ღაღადებასა ლოცვისა ჩუენისასა, და
შეგვიწყალენ სიყუარულისათვის ძისა შ

